



Lions ta tene reunion di Gabinete Dia 12 y 13 na Aruba

ORANJESTAD, 5 jan. — E prome reunion di gabinete cu gobernador Arnold Cardarelli di Distrito E-1 di Lions, na cual Aruba tambe ta pertenese, lo tene den e anja nobo, lo tuma lugar na Aruba. E fechanan cu a worde stipula pa e ocasion aki ta 12 y 13 di januari. E particularidad ta cu e reunion importante aki ta cai pareu cu e di diecinueve aniversario di Lions Club na Aruba.

Ta ser spera cu e reunion di gabinete lo hala 250 te 300 Lions cu nan esposa for di paisnan di afor: Venezuela, Curacao y Bonaire. Ya eha nan a reserva 70 cuarto den Aruba Caribbean Hotel.

Diabiernes dia 11 nan ta spera e prome huespednan na Aruba.

E reunion di gabinete lo worde tene e merdia siguiente den Tivoli Club.

Pa diasabra anochi nan tin riha programa un dinner di gala, cu ta worde ofresi den Aruba Caribbean Hotel. Durante di e dinner aki nan lo recorda e dia diecinueve aniversario di e „charter“.

Ponemento di krans

Diadomingo lo tin algun solemnidadnan. Pa un cuarto pa diezun pa parti di mainta nan ta revela e monumento pa conmemoracion di esnan cu a fallece den gera.


E monumento aki ta e regalo di aniversario di Lions Club na e poblacion di Aruba. Na e momento aki nan ta trahando riba e monumento na e plenti dilanti di e cas cu un tempo tabata habita pa e consul Mericano. Pa diezun 'or y mei ta sigi un ofrenda floral na e monumento di Simon Bolivar, mientras cu pa die-dos'or atrobe nan lo pone kransnan na e monumento di Reina Wilhelmina.

E atardi ey pa dos'or Lago ta ofrece Lions un picknick na Basiruti.

Diadomingo mainta cuh'or y mei nan lo tene na ocasion di e convencion un Santo Sacrificio di misa den Iglesia San Francisco na Oranjestad. E misa aki lo ta na Spanjo.

LIONS ARUBA TA CELEBRA NAN 15 ANIVERSARIO

Ariba e foto aki nos ta mira e monumento mas nobo di Lions Club na Aruba, cual masha mainta lo worde inaugura ariba e plachi dilanti di e residencia cual antes tabata worde ocupa pa e consulado americano na Oranjestad. E piedranan den e monumento ta piedra di Aruba; ariba e plachi di bronce ta para nomber di tur esnan cu durante segundo guerra mundial a perde nan bida den accion. E monumento aki ta un regalo di Lions Club Aruba na e comunidad di Aruba, na ocasion di nan 15 aniversario.



ORANJESTAD, 15 jan. — Durante un solemnidad corticu pero impresionante, diadomingo pa cuartu pasa di diezun Gezaghcbber interino sr. I. S. de Cuba na nomber di e poblacion di Aruba a acepta e monumento pa e victimanan di segunda guerra, cu a ser establece na fin di Adriaan Lacle Boulevard y cu a ser ofreci pa Lions Club. Poco despues di esey Lion Arnold Cardarelli a pone e prome crans: heel cu paars, e colonan di Lions.